

校
本

防
宋

批

韋
蘇
州
全
集

數

宣統三年仲夏初版

定價大洋二元四角

校印者

永雪山房

刷印者

澄衷學堂

總經售處上海

龍文閣

分北京

琉璃廠

官書局

龍文閣

售天津

龍文閣

官書局

龍文閣

處保定府

官書局

龍文閣

上海

棋盤街

集成公司

掃葉山房

萃英山房

韋蘇州集卷第九

蘇州刺史韋 應物

歌行上二十二首

長安道一首

行路難一首

橫塘行一首

貴遊行一首

酒肆行一首

相逢行一首

烏引鵲一首

鳶奪巢一首

鷺銜泥一首

顰鼓行一首

古劍行一首

金谷園歌一首

溫泉行一首

學仙二首

廣陵行一首

萼綠華歌一首

王母歌一首

馬明生遇神女歌一首

石鼓歌一首

寶觀主白鸚鵡歌一首

彈碁歌一首

歌行上

長安道

漢家宮殿含雲煙，兩宮十里相連延。
晨霞出沒弄丹闕，春雨依微自甘泉。
春雨依微春尚早，長安貴遊愛芳草。
寶馬橫來下建章，香車却轉避馳道。
貴遊誰最貴，衛霍世難比。
何能蒙主恩，幸遇邊塵起。
歸來甲第拱皇居，朱門戟戟臨九衢。
中有流蘇合歡之寶帳，一百二十鳳凰羅。
列舍明珠下有錦，鋪翠被之粲爛博山吐。
香五雲散，麗人綺閣情飄飄。
頭上鴛釵雙翠翹，佝髻曳袖迴春雪。

聚黛一聲愁碧霄山珍海錯弃藩籬烹犢魚羔如折葵
既請列侯封部曲還將金印授廬兒歡榮若此何所苦
但苦白日西南馳

行路難

一云連環歌

荆山之白玉兮良工凋琢雙環連月蝕中央鏡心穿故
人贈妾初相結恩在環中尋不絕人情厚薄苦須臾昔
似連環今似玦連環可碎不可離如何物在人自移上
客勿遽歡聽妾歌路難旁人見環環可憐不知中有長
恨端

橫塘行

妾家住橫塘夫婿郗家郎玉盤的歷矢白魚寶簾玲瓏

透象牀象牀可寢魚可食不知郎意何南北岸上種蓮
豈得生池中種槿豈得成丈夫一去花落樹妾獨夜長
心未平

貴遊行

漢帝外家子恩澤多封侯垂楊拂白馬曉日上青樓上
有顏如玉高情世無儔一作非無儔輕裾含碧煙窈窕似雲浮
良時無還景促節爲我謳忽聞艷陽曲四坐亦已柔賓
友仰稱歎一生何所求平明擊鍾食入夜樂未休風雨
憊歲候兵戈橫九州焉知坐上客草草心所憂

酒肆行

豪家沽酒長安陌一旦起樓高百尺碧疏玲瓏含春風

銀題彩幟邀上客迴瞻丹鳳闕直視樂遊苑四方稱賞
名已高五陵車馬無近遠晴景悠揚三月天桃花飄俎
柳垂筵繁絲急管一時合他壚隣肆何寂然主人無狀
且專利百斛湏臾一壺一作囊費初醲後薄爲大偷飲者知
名不知味深門潛醞客來稀終歲醇醲味不移長安酒
徒空擾擾路旁過去邠得知

相逢行

二十登漢朝英聲邁今古適從東方來又欲謁明主猶
酣新豐酒尚滯灞陵雨邂逅兩相逢別來問寒暑寧知
白日晚暫向花間語忽聞長樂鍾走馬東西去

烏引鷄

日出照東城春鳥鷓鴣和鳴鷓鴣和鳴羽猶短巢在深
林春正寒引飛欲集東城暖群鷓離從睥睨高舉翅不
及墜蓬蒿雄雌來去飛又引音聲上下懼鷹隼引鷓鳥
尔心急急將何如何得比日搜索雀卵噉尔鷓

鷓鴣巢

野鷓野鷓巢林梢鷓鴣恃力奪鷓巢吞鷓之肝啄鷓腦
竊食偷居還自保鳳凰五色百鳥尊知鷓爲害何不言
霜鷓野鷓得殘肉同啄羶腥不肯逐可憐百鳥紛縱橫
雖有深林何處宿

鷓鴣泥

啣泥鷓聲嘒嘒尾涎涎秋去何所歸春來復相見豈不

解決絕高飛碧雲裏何爲地上噉泥滓噉泥雖賤意有
營杏梁朝日巢欲成不見百鳥畏人林野宿翻遭網羅
俎其肉未若噉泥入華屋鷺噉泥百鳥之智莫與齊

鼙鼓行

淮海生雲暮慘澹廣陵城頭鼙鼓暗寒聲坎坎風動邊
忽似孤城萬里絕四望無人煙又如虜騎截遼水胡馬
不食仰朔天座中亦有燕趙士聞鼙不語客心死何況
鰥孤火絕無晨炊獨婦夜泣官有期

古劍行

千年土中兩刃鐵土蝕不入金星滅沉沉青春鱗甲滿
蛟龍無足蛇尾斷忽欲動中有靈豪士得之敵國寶仇

冢舉意半夜鳴小兒女子不可近龍蛇變化此中隱夏
雲奔走雷闐闐恐成霹靂飛上天

金谷園歌

石氏滅金谷園中水流絕當時豪右爭驕侈錦爲步障
四十里東風吹花雪滿川紫氣凝閣朝景妍洛陽陌上
人回首絲竹飄颻入青天晉武平吳恣歡燕餘風靡靡
朝廷變嗣世衰微誰肯憂二十四友日日空追遊追遊
詎可足共惜年華促禍端一發埋恨長百草無情春自
綠

溫泉行

出身天寶今年幾頑鈍如鎚一作鈹命如紙作官不了却來

歸還是杜陵一男子。北風慘慘投溫泉。忽憶先皇遊幸年。身騎廐馬引天仗。直入華清列御前。玉牀瑤雪滿寒山。上昇玄閣遊絳煙。平明羽衛朝萬國。車馬合沓溢四鄜。蒙恩每浴華池水。扈獵不蹂渭北田。朝廷無事共歡燕。美人絲管從九天。一朝鑄鼎降龍馭。小臣髯絕不得去。今來蕭瑟一作索萬井空。唯見蒼山起煙霧。可憐蹭蹬失風波。仰天大叫無奈何。弊裘羸馬凍欲死。賴遇主人杯酒多。

學仙二首

昔有道士求神仙。靈真下試心確然。千鈞巨石一髮懸。卧之石下十三年。存道忘身一試過。名奏玉皇乃升天。

雲氣冉冉漸不見留語弟子但精堅

石上鑿井欲到水情心一起中路止豈不見古來三人
俱弟兄結茅深山讀仙經上有青冥倚天之絕壁下有
颼颼萬壑之松聲仙人變化爲白鹿二弟翫之兄誦讀
讀多七過可乞言爲子心精得神仙可憐二弟仰天泣
一失毫釐千萬年

廣陵行

雄藩鎮楚郊地勢鬱嵒堯雙旌擁萬戟中有霍嫖姚海
雲助兵氣寶貨益軍饒嚴城動寒角晚騎踏霜橋翕習
英豪集振奮士卒驍列郡何足數趨拜等卑寮日晏方
云罷人逸馬蕭蕭忽如京洛間遊子風塵飄歸來視寶

劍功名豈一朝

萼綠華歌

忽作楚聲
頗似騷中
九歌諸篇

但古峭不
善耳

有一人兮昇紫霞書名玉牒兮萼綠華仙容矯矯兮雜
瑤珮輕衣重重兮蒙絳紗雲雨愁思兮望淮海鼓吹蕭
條兮駕龍車世淫濁兮不可降胡不來兮玉斧家

王母歌

一云玉女歌

衆仙翼神母羽蓋隨雲起上遊玄極杳冥中下看東海
一杯水海畔種桃經幾時千年開花千年子玉顏眇眇
何處尋世上茫茫人自死

馬明生遇神女歌

學仙貴功亦貴精神女變化感馬生石壁千尋啓雙檢

中有玉堂

一作床

鋪玉簾立之一隅不與言玉體安隱三日

眠馬生一粒心轉堅知其丹白蒙哀憐安期先生來起

居請示金鑑玉佩天皇書神女呵責不合見仙子謝過

手足戰大瓜玄棗冷如冰海上摘來朝霞凝賜仙復坐

對食訖頷之使去隨煙升

一作使隨玄煙升

乃言馬生合不死少

姑教勅令付尔安期再拜將生出一授素書天地畢

石鼓歌

周宣大獵兮岐之陽刻石表功兮煒煌煌石如鼓形數

止十風雨缺訛苔蘚滋今人濡紙脫其文既擊既埽白

黑分忽開滿卷不可識驚潛動蟄走云云喘逶迤相糺

錯乃是宣王之臣史籀作一書遺此天地間精意長存

世冥冥秦家祖龍還刻石碣石之罘李斯跡世人好古
猶共傳持來比此殊懸隔

寶觀主白鸚鵡歌

鸚鵡鸚鵡衆皆如漆爾獨如玉鸚之鵒之衆皆蓬蒿下
爾自三山來音梨三山處子下人間綽約不粧冰雪顏仙
鳥隨飛來掌上來掌上時拂拭人心鳥意自無猜玉指
霜毛本同色有時一去凌蒼蒼朝遊汗漫暮玉堂巫峽
雨中飛暫濕杏花林裏過來香日夕依仁全羽翼空欲
銜環非報德豈不及阿母之家青鳥兒漢宮來往傳消
息

彈碁歌

圓天方地局二十四氣子劉生絕藝難對曹客爲歌其
能請從中央起中央轉闢破欲闌零落勢背誰能彈此
中舉一得六七旋風忽散霹靂疾履機乘變安可當置
之死地翻取強不見短兵反掌收已盡唯有猛士守四
方四方又何難橫擊上緣邊豈如昆明與碣石一箭飛
中隔遠天神安志愜動十全滿堂驚視誰得然

韋蘇州集卷第九